

't Krutske op de Koele . (door Dré Kickken)



Doe sjteis hie al vanaaf mien kindsheid,
en ..daoveur ouch al ein ieëwigheid.
Höbbe de Romeine dae Taxis hie geplant?
aan dae Heijerwaeg in oos Limburgs land.

Hat dat krutske messjiens eine gezat,
dae ein of anger krankheid hat gehad?
Of... is hie ein óngelök gebeurd?
meh daovan höb ich noats geheurd.

Waoren 't messjien... de Sspanjaarde,
die zich hie taeg Nassau vergaarde.
Of... waore 't de Franse soldaote?
want ouch die höbbe hie gesjaote.

Hollesje piotte höbs doe hie gehad,
en de Pruusje houwe de Koele bezat.
Mêh de Amerikane makden ós weer vriej,
daoveur sjtorf Peter Spogenets aan dien
ziej.

De processiegengersj va Sjin en Klumme,
koeste in diene sjièm effe rös numme.
En .. die va Montse nao Kaevelaer,
....zoogs doe jedesmaol aeve gaer.

De luuj van de Koele in vreuger jaore,
baejde zich hie.. es ze in noad waore.
Volges mien mam zint die dêk verheurd,
zou hie.. nog ein wonder zeen gebeurd?

Gesjpeeld, höbbe veer es kinger hie gaer,
veural in d'r zoomer bie hiël sjoan waer.
Gesjtange höbbe hie.. al vriejende
köppelkes,
es ze sjoelde... veur de raegedröppelkes.

Massa's luuj zint aan dich veurbiegegange,
en vâöle... höbbe bie dich sjtilgesjtange.
Ein kruus makde zich vreuger groot en
klein,
zoa waar doe de gewoonte,... va jederein.

Mennigein zoogs Doe Herregödje hie
sjtaon,
enwat höbbe al die luuj hie gedaon?
....Höbbe ze 'm mesjien toch geknepe?
of... diene teks hie ónger neet begrepe?

Aan alle die hie veurbie gaon,
aone eine blik op Dich te sjlaon.
Wie zal 't hun ..stjraks vergaon?
es ze veur Dien ..aansjien sjtaon?